

ra memorasti, quid enim miserum formidare potest, qui crastini curis ressecatis, hunc diem ut extremum ordinat, ut extremum aspicit? omnium rerum suarum in expedito rationem habens, nec de præteritis nec de futuris anxius: Summa, hunc & sacra cum delectatione vivere necesse est, impletis vitæ officiis, & sarcinulis ritè compositis, adhuc inter homines cunctantem, & nihil iam præter Dei reuocantis Imperium expectantem. ò iterum & iterum fœlix, nec scio an fœlicior, si dicere posses, quod est apud Senecam: iam paratus nihil cogito: de die toto cogitare, arbitror alioquin stultè se artasse ad vesperam.

ERVEDITVS QVIDAM.

**Q**VAM hoc rectè præmissis addiderim, viderint doctiores, mihi prætermittere quidem non libuit. Brixien-  
 sis vir, & morum & sanguinis nobilitate conspicuus, dicitur, ego enim hominem non noui, sed quod sæpè mihi relatum est teneo. Inter multa nimirum quæ sapienter & cum amicis, & cum vicinis agit, hunc cum filiis morem seruat, vsque ad quartum decimum ætatis annum ferulis & verberibus lasciuientes domat, tene-  
 rum

rum